

>> 脆口:牙齿交响乐 <<

香脆可口嘅小零食几时都咁吸引人,作为膨化零食嘅“虎牙脆”更加如是。因为造型呈现尖尖嘅三角形,好似老虎啲牙齿咁,逐粒摆入口就“脆”味非常,嫌唔过瘾可以一把倒入口中大快朵颐,咸香脆爽,令人欲罢不能。而且仲有烧烤、牛肉、孜然等等唔同风味,食极都唔厌。如果咁多味嘅虎牙脆都满足唔到你,可以试下由粟米制成嘅“米老虎”。但保留咗玉米颗粒原有嘅清甜可口,特殊工艺炮制后又赋予佢酥脆口感, enjoy 牙齿嚼到咯咯声快感嘅你,一定唔好错过呢两款“脆”味零食。



虎虎生胃口大开



>> 重口:味蕾轰炸机 <<

追求“重口味”嘅朋友,可以埋嚟睇下。“老虎菜”係一种北方酱菜,睇落就有少少似我哋平时食开嘅榨菜,作为一种用酱料腌到入味嘅酱菜,爽口得嚟又好下饭,拌面、送饭、夹馒头都好啱使。如果唔中意呢啲“咸咸湿湿”嘅酱菜重口,可以试下“黑老虎”俾你睇视觉冲击! 颜色鲜艳、外形扎实嘅佢又叫“恶魔果”,一瓣瓣嘅果肉聚成一个球体,睇落十足恶魔杀红眼时嘅高能感觉。除咗可以用醃酿酒,成熟嘅果实体可以直接食用,清甜多汁,味道上有啲似释迦,或者係熟透嘅山竹。

虎年到! 虎虎生威、龙腾虎跃、如虎添翼……除咗将带“虎”嘅吉祥话常挂嘴边,识饮识食嘅广州人,当然唔会错过各种“虎”字美味! 可能“生猛如虎”冲击味蕾,又可以似春风“虎”面温柔诱惑。快跟住Color胃口大开,食“虎”中“虎”,做人上人啦!

郭玮/文 品牌官网/图



>> 怀旧:舌尖的童年味 <<

如果觉得脆口嘅小零食太费牙,以下嘅美味可能更啱你。“虎皮蛋糕”承载着童年嘅味道,蛋香四溢又稍微烟韧嘅“虎皮”,汇合绵软香滑嘅奶油夹心蛋糕,双重口感交杂嘅体验,衍生出一种令人愉悦饱腹满足感。时代变迁,但舌尖对“怀旧”味道嘅眷恋从来唔会消退。来自潮汕嘅“老虎蛋”係一种用椰丝制成嘅糕点,咬落甜而不腻,有阵阵麦芽糖味,外酥里嫩仲啱拉丝有嚼头,感觉就好似食紧椰子糖咁。为咗顺应后生仔嘅口味追求,“老虎蛋”仲开始推出朱古力味嘅新品,传统 crossover 新潮,啱嚟追求新鲜感嘅朋友。



>> 刺激:喉咙大挑战 <<

中意食辣条类零食嘅朋友,应该试下“龙虎斗”。“龙虎斗”係一种豆制品,辣椒香油渗透到佢每一丝纹理入面,咬落弹牙够味,酥酥麻麻嘅感觉从牙龈延伸到上头醒神,真係有老虎都可以打低几只嘅势头。如果想更加醒神,大家唔好错过俄罗斯嘅虎头酒,但集合咗好多药材精华泡制,男士、女士饮都好补身,不过因为酒精度数较高,千祈唔好贪杯。



新嘅一年已来临,多部影都排队就位、陆续上画,势要令大家度过充实嘅一年。其中“开心麻花”团队冲劲十足,核心成员沈腾、马丽、艾伦齐齐出动,分别抢占2022档期,为观众发射笑弹:《四海》巨星云集“开车”去云游;《超能一家人》冤家聚首,触发奇葩异能;《这个杀手不太冷静》万能CP再加百变造型……2022一定够晒开心!

郑伟立 徐彬/剧照/图

杀手贺岁,变幻莫测

壮志未酬嘅男演员,终于如愿成为男一号,千钧一发之际,却落入危机四伏嘅“杀人”阴谋,演“杀手”变成咗真·杀手,最终可唔可以化险为夷? 依然都係未知数。“开心麻花”首席“麻花”马丽睇电影中百变又亮丽,一阵係着貂皮大褸嘅贵夫人,一阵又变身白套装配斜帽嘅名门贵族,换身波点裙即变复古多金大小姐,好似佢但被誉为喜剧界嘅万能CP咁,无论搭边个都够晒抓马。《这个杀手不太冷静》嘅戏名,食晒经典大片个朵,令人忍唔住窥探佢究竟内容有几劲爆,作为进军春节档期嘅“开心麻花”出品,点可能令人失望?

2022~

最紧要开心

万千星辉,四海奇遇

离返父子嘅云游四海嘅旅途上,偶遇各种奇人异事,一行人携手前行嘅同时,改写咗人生。由韩寒执导嘅《四海》,係刘昊然同沈腾嘅首次合作,昊然曾经凭《唐人街探案》系列电影,霸屏春节档,今次搭档开心麻花台柱沈腾,两人你一言我一语变“社牛”,用“废话文学”与陌路人做 friend,搞笑效果一定非同小可。呢部电影另一个值得关注嘅看点,就係众多明星云集,特别邀请陈小春、黄晓明等实力派大咖加盟,星光熠熠、阵容强大,好值得期待!



超能聚会,无所不能

晓飞天嘅姐姐,打不死嘅爷爷,爸爸识隐身、妹妹力大无穷……明明係身怀绝技嘅一家人,聚埋一起却会“面面相觑”,个天都睇唔过眼,佢都要佢哋“和睦相处”,先可以触发技能至 top power,“超能一家人”被迫无奈,只好咬牙集结! 沈腾可谓“身兼多职”,唔单止《四海》演绎“社牛”父亲,睇《超能一家人》搭档艾伦,又变身进口反派,为谋利益不择手段,因为“搞笑”DNA 傍身,登场就嚟个“一字马”,由头到脚都有不容错过嘅笑点。超能打、超能跑、超能打一家人,同“开心麻花”强强联手,一定能令大家笑到见牙唔见眼!



春节档影片推荐



《小虎救英雄》



《奇迹》



《四海》



《狙击手》



《这个杀手不太冷静》



《熊出没·重返地球》

业务热线 陈经理 13760780894 刘经理 13560025063

广州青宫电影城
广州珠江电影城
广州华影国际影城
广州华影国际影城
广州华影国际影城
佛山中影红影影院
佛山中影红影影院
佛山中影红影影院

